

V/k  
1766

AD  
 ORATIONEM ANNIVERSARIAM  
 IN  
**MEMORIAM**  
 VIRI  
 AMPLISSIMI CLARISSIMIQUE,  
**MELCHIORIS CASPARIS**  
**WINCKLERI,**

HEREDITARII OLIM IN OBER-ULLERSDORFF ET SOMMERAU,

FUTURO DIE JOVIS

D. XV. JUNII, MDCCLXIX.

HORA VIII.

AB SE HABENDAM,

OMNI, QUI PAR EST, OBSERVANTIA

INVITAT

SIMULQUE

DE

BOESLAVO I. DUCE POLONIE, VSURPATORE AUTEM  
 IN LUSATIA SUPERIORI

ITERUM EXPONIT

ADAM DANIEL RICHTERUS,  
 GYMNASII DIRECT.



ZITTAVIÆ, LITTERIS KÜHNII.

**Q**uoniam nostra de *Boleslao I. Duce Poloniae*, usurpatore autem in *Lusatia Superiori* secundum *Ditmarum* nostrum nuper instituta expositio viris rerum in regione nostra gestarum peritis non profus displicuit, quæ reliqua de hoc *Boleslao* tunc alio die promisi, mox jam dabo.

Nimirum, quum ao. 1010. *Guncelinus* Marchio in *Misnia*, frater utrinus hujus *Boleslai*, et apud quem *Guncelinus* majorem gratiam adhuc habuerat, quam eî deceret aut *Imperatori* placere poterat, vid. *Ditm. Lib. VI. pag. 154.* reus Majestatis *Marchionatu* suo *Misnensi* abdicaretur, *Boleslaus*, qui tum in urbe *Budissin* forte præfens erat, priori die, quam *Hermannus* novus Marchio *Misnensis* adventaret, magnam *Polonorum* catervam misit, quæ quidem in primo diei crepusculo *Albim* transgressa usque ad portam civitatis *Misniæ* silenter omnino venit, tristis autem, quum promissus ei a duobus hujus rei ductoribus non pateret introitus, ad *Boleslaum* suum, *Budissinæ* hos suos sollicitè expectantem seque delusum graviter dolentem, reversa est, vid. *Ditm. Lib. VI. pag. 154.*

*Imperator* deinde anno insequenti 1011. ob hanc contumeliam et damnum a *Boleslao* sibi illatum expeditionem contra *Boleslaum* bellicam post Pascha suis graviter indixit. Stاتمigitur in ista expeditione incepra pagus *Cilenis* et pagus *Diedesi* vastabantur, et quum *Cæsareni*, urbem *Glogua* dictam, ubi *Boleslaus* ipse fuerat, transcurrentes, late magnum hostibus damnum intulerunt, læti deinde vastatis omnibus circumquaque jacentibus ad *Albim* per fines *Milzienos* reversi sunt, vid. *Ditm. Lib. VI. 155. 156.*

Anno 1012. *Imperator* consulebat cum Principibus suis, qua ratione *Boleslaus* ab illis invaderetur, *Boleslaus* autem rogabat ao. 1013. per nuntios *Waltherum*, Archiepiscopum *Magdeburgensem*, ut *Scitiam* causa pacem facienda ad illum veniret. *Waltherus* rogatus quidem venit, sed, quum nil ibidem perficeret, statim post duos dies, muneribus tamen magnis ornatus, revertitur, qui quidem *Waltherus* non ita diu post hoc eodem ao. 1013. mortuus est. Expeditio itaque die IX, Calend. August. instituebatur, quia autem medio in itinere contra *Boleslaum* suscepto Principibus non bonum esse videbatur illud suum iter perficere, itaque expeditione hac ipsa omissa *Marchiani* modo optimis præfidiis firmaverunt, *Ditm. Lib. VI. 162. 163.* Hoc eodem anno *Jarimirus* Dux *Bohemie*, regno a fratre expulsus, in hac persecutione sua *Boleslaum*, Ducem *Poloniæ*, quem pro hoste hætenus habuit, fuga petere cogebatur, *Ditm. ib. p. 164.* Non diu post *Boleslaus* congregato exercitu *Libysiam* petiit, castraque ibidem metatus urbem ipsam de XIII. Calend. Septembr. cepit et incendit, magnaque præda lætus deinde rediit. *Ditm. Lib. VI. p. 168. 169.*

Anno 1014. *Imperator* mensè Januario *Boleslai* nuncios, pacem poscentes et confirmationem cum *Misccone*, ejusdem filio, fieri promittentes, in *Alstidi* circa *Epiphaniam* Domini audivit, *Ditm. Lib. VI. 174.* Inter hæc *Wirinbavius* et *Ekkibardus*, *Hermannii* Marchionis frater, sine licentia ad *Boleslaum* perrexerant ibidemque multa *Imperatori* contraria locuti fuerant, ejusque nuncios sæpe in secreto secum habuerant, *Ditm. ib. 175.* *Miscco* deinde paucis diebus interpositis *Magdeburgum* ad *Imperatorem* venit cum magnis muneribus, ubi *Regis* efficiebatur fide cum sacramento firmata, qui dehinc non solum magno cum honore remissus sed ut iterum veniret, vehementer etiam delectatus est. Veniebat autem in vigilia Pentecostes *Boleslaus* ipse *Mersburgum* ad *Imperatorem* cum securitate obsidum apud se relictorum, et optime susceptus est. *Ditm. ibid. 175.* Ibi *Boleslaus* tunc in die sancto manibus applicari miles *Regis* effectus et post sacramenta *Regi* ad ecclesiam in ornatu suo incedenti armiger habitus est. In secunda autem feria, quum *Imperatorem* magnis muneribus a se et a contractali sua oblati placasset, non solum his suis meliora & majora ab *Imperatore*, sed beneficium etiam diu desideratum, sine dubio quidem *Marchie* forsitan in *Lusatia Superiori*, quam *Boleslaus Imperatore* invito hucusque *Hermannus* ereptam obtinebat, accepit, obidesque suos cum honore & læticia remisit, & bello post hæc *Russiam*, *Cæsareni* quidem adhuc auxilantibus, petiit. *Ditm. ibid. p. 176.* Sed quum *Imperator* deinde *Boleslaum* ad supplementum sui itineris in *Italiam* invitasset, *Boleslaus* non solum rursus more solito in bene promissis mendax apparuit, sed *Papæ*

etiam censum perfolvere quum nollet, malitiosa astutia latentes *Imperatoris* insidias causatus est, *Imperatorem* in memor fidei data omnibus suspiciosum reddere studens. *Ditm. ib. 176.* *Imperator* igitur hanc malitiosam astutiam *Boleslai*, qua delusus erat, redux ex *Italia* factus suis fidelibus exposuit polcens ab eis, ut *Boleslaus*, a quo statim beneficium suum datum, *Marchiam* scilicet *Lusatiam* revocabat, *vid. Chron. Quedlinb. ad b. a.* aut ad exculationem aut indictæ rei emendationem vocaretur, *vid. Ditm. 185.* *Boleslaus* autem *Imperatori* forriter resistens *Marchiam* non reddidit, sed cum *Hermanno* *Marchione*, qui cum *Boleslao*, focero suo, Pascha in *Polonia* duxerat, domum redeunte legatum suum ad *Imperatorem* misit, plus tamen ad percurrandum quam ad pacificandum, qui quidem legatus ipse etiam mentiri semper solitus, longe alia, quam *Caesar* præceperat, domum retulit. Tunc iterum vel ad se excusandum vel ad inobedientiam emendandum *Boleslaus* quidem a *Caesare* vocatus est, sed *Boleslaus* in præsentiam *Caesaris* venire noluit & porius coram Principibus regni hæc sua fieri postulavit. *vid. Ditm. Lib. VII. p. 188. 189.* *Boleslaus* autem id præsertim prætendebat, quod *Imperator* filium suimet, *Misceconem*, ex captivitate quidem liberatum, sed tamen nimis longe apud se deinde retentum serius remisisset, suum *Caesaris* ipsius militem, *Ditm. ibid. p. 189. 190.* Nempe *Imperator* *Misceconem*, filium *Boleslai* ab *Uldarico*, Rege *Bohemiae* caprum ex captivitate liberaverat secumque illum nunc retinebat, quem sibi reddi *Boleslaus* ab *Imperatore* sæpius postulaverat, sed *Imperator* rem differebat usque ad commune consilium Principum, in quo deinde habito ab *Imperatore* *Misceco* dimissus erat. *Ditm. ib.*

Tandem *Imperator* mense Julio hoc eodem anno 1015. expeditionem ipsam contra *Boleslaum* suscipiens, usque ad *Oderam* profectus est ad locum, qui *Crosna* dicitur suosque ad *Misceconem*, turmatim ibi sedentem, misit, eum de promissa fide admonendi ergo. *Vid. Lambert. ad b. a. & Ditm. Lib. VII. 192.* Quum autem legati, responso *Misceconis* accepto, quod patris injusti nil sibi licitum sit, redirent, *Caesar* deinde *Oderam* transmeans reluctantem *Polonorum* multitudinem admodum sane ista felicitate prostravit, ut numerus non minor fuerit quam sexcenti, qui perierant. Licet autem *Imperator* in hoc bello multa feliciter gereret, tamen *Boleslai* fraudulentia deinde factum est, ut *Imperator* in reditu suo magnam cladem suorum perperessus sit, *vid. Ditm. ibid. p. 164. 195.* Immo *Caesarem* ipsam, qui progressus jam ad *Strelam* urbem cum suis pervenerat, subsequabatur *Misceco* cum exercitu, id. Sept. Albim transcendebat, suburbium *Misniae* incendebat, castellum ipsum duobus locis accensum aggrediebatur & omnia prorsus usque ad *Gama* fluvium depopulatus est. *Vid. Ditm. ibid. p. 196.* Quum deinde *Caesar* ad *Bakulam* urbem cum exercitu congregato profectus esset, *Imperatrix* quidem cum Principibus Imperii defensionem Patriæ meditari cepit, sed *Boleslaus* nil inter hæc *Imperatoris* lædere tentavit, sua modo muniens, & de adventu *Caesaris* ex *Burgundia* latatus est, *Ditm. L. VII. p. 201.*

Anno 1017. Principes quidam *Imperatoris* juxta *Muldam* sedebant, *Boleslaum* per internuncios suos ad *Albim* venire rogantes in colloquium, qui tunc *Scitiani* erat, legatione autem audita respondit, se ob timorem hostium suorum illo venire non auctere. Et quum nuncii rursus ipsum rogarent, num velit, ut Principes ad *nigram Ellstram* venirent, *Boleslaus*, nec pontem hunc, dixit, præterire volo. Ob istum igitur contentum Principes statim agebant cum *Imperatore* de futura expeditione in *Boleslaum*, quæ statim etiam decreta & brevi post suscepta est. *Ditm. ibid. p. 215.* Quoniam autem milites *Boleslai* in *Moravia* magnam catervam *Bovarorum* dolo circumventorum occiderant, *Henricus* vero, Dux quondam *Bovarorum*, pacis firmandæ causâ ad *Boleslaum* profectus, jam rediens nil ibi profecerat, *vid. Ditm. ibid. 219.* & *Misceco*, *Bohenniam* invadens duo dies eandem prædatus & cum innumerabili captivorum multitudine reversus erat, *Ditm. 220.* itaque *Imperator*, cum exercitu suo obviam quæque devastans, id. Aug. ad urbem *Glogam*, ubi *Boleslaus* tunc latitans *Caesarianos* præstolabatur, non solum venit sed duodecim etiam legiones ab exercitu valido electas ad urbem *Nemetzi* præmisit, quæ habitatoribus his præoccupare debent venturum auxilium. *Ditm. ibid. 221.* & *Lamb. ad. b. a.* *Imperator* autem post tres dies ipse venit ad eandem urbem cum exercitu valido, castris undique circumdatam, ut sic hosti omnem accessum clauderer, *Moravienfes* interim *Boleslai*



F. H. 30. 14

V/k  
1766

AD  
 ORATIONEM ANNIVERSARIAM  
 IN  
**MEMORIAM**  
 VIRI  
 AMPLISSIMI CLARISSIMIQUE;  
**MELCHIORIS CASPARIS**  
**NCKLERI,**

M IN OBER-ULLERSDORFF ET SOMMERAU,

FUTURO DIE JOVIS

V. JUNII, MDCCLXIX.

HORA VIII.

AB SE HABENDAM,

QUIA PAR EST, OBSERVANTIA

INVITAT

SIMULQUE

DE

CE POLONIÆ, VSURPATORE AUTEM  
LUSATIA SUPERIORI

ITERUM EXPONIT

ADAM DANIEL RICHTERUS,  
GYMNASII DIRECT.



ZITTAVIÆ, LITTERIS KÜHNII.

